

Adroddiad i'r: Pwyllgor Archwilio Partneriaethau

Dyddiad y Cyfarfod: 25 Ebrill 2013

Awdur yr Adroddiad: Y Cydlynnydd Archwilio

Teitl: Rhaglen Waith Archwilio

1. Am beth mae'r adroddiad yn sôn?

Mae'r adroddiad yn cyflwyno rhaglen gwaith i'r dyfodol y Pwyllgor Archwilio Partneriaethau i'r aelodau ei hystyried.

2. Beth yw'r rheswm dros lunio'r adroddiad hwn?

Gofyn i'r Pwyllgor adolygu a chytuno ar ei raglen o waith i'r dyfodol, a rhoi'r wybodaeth ddiweddaraf i aelodau ar faterion perthnasol.

3. Beth yw'r Argymhellion?

Dylai'r Pwyllgor ystyried y wybodaeth a ddarparwyd a chymeradwyo, adolygu neu addasu ei raglen gwaith i'r dyfodol fel y mae'n ystyried yn briodol.

4. Manylion am yr Adroddiad

- 4.1 Mae Erthygl 6 Cyfansoddiad y Cyngor yn amlinellu cylch gorchwyl, swyddogaethau ac aelodaeth pob Pwyllgor Archwilio, ac amlinellir rheolau trefn ar gyfer pwyllgorau archwilio yn Rhan 4 y Cyfansoddiad.
- 4.2 Mae Cyfansoddiad Cyngor Sir Ddinbych yn gorchymyn fod rhaid i bwyllgorau archwilio baratoi a pharhau i adolygu rhaglen o'u gwaith i'r dyfodol. Drwy adolygu a blaenoriaethu materion, gall aelodau sicrhau bod y rhaglen waith yn cyflenwi agenda a arweinir gan aelodau.
- 4.3 Ers nifer o flynyddoedd, mabwysiadwyd yr arfer yn Sir Ddinbych i'r pwyllgorau archwilio gyfyngu'r nifer o adroddiadau a ystyrir mewn unrhyw gyfarfod i uchafswm o bedwar yn ogystal ag adroddiad rhaglen waith y Pwyllgor ei hun. Nod yr ymagwedd hon yw hwyluso trafodaeth fanwl ac effeithiol ar bob testun.
- 4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd yn y dyfodol fel y manylir yn atodiad 1 a'i gymeradwyo, adolygu neu ei ddiwygio fel y mae'n ystyried yn briodol. Wrth benderfynu ar raglen waith, gofynnir i aelodau ystyried:
- materion a godwyd gan aelodau'r Pwyllgor
 - materion a gyfeiriwyd ato gan y Grŵp Cadeiryddion ac Is-Gadeiryddion Archwilio
 - perthnasedd i flaenoriaethau'r Pwyllgor / Cyngor / y gymuned

- Cynllun Corfforaethol y Cyngor ac Adroddiad Blynyddol Cyfarwyddwr y Gwasanaethau Cymdeithasol
- cyflawni llwyth gwaith
- amseroldeb
- canlyniadau
- materion allweddol a gwybodaeth i'w chynnwys mewn adroddiadau
- swyddogion ac / neu aelodau Cabinet y dylid eu gwahodd (gan ystyried a oes angen iddynt fod yn bresennol neu a fyddai'n ychwanegu gwerth)
- cwestiynau i'w cyflwyno i swyddogion / aelodau arweiniol y Cabinet

4.5 Wrth ystyried eitemau pellach i'w cynnwys ar y rhaglen gwaith i'r dyfodol, mae'n bosibl y byddai hefyd yn ddefnyddiol i'r aelodau ystyried y cwestiynau canlynol wrth benderfynu ar addasrwydd testun i'w gynnwys ar y rhaglen waith:

- beth yw'r testun?
- pwy yw'r budd-ddeiliaid?
- beth sy'n cael ei edrych arno mewn llefydd eraill
- beth sydd angen i archwilio wybod? a
- phwy allai gynorthwyo?

4.6 Fel y soniwyd, mae paragraff 4.2 Cyfansoddiad Cyngor Sir Ddinbych yn gorchymyn y dylai pwyllgorau archwilio baratoi a pharhau i adolygu rhaglen o'u gwaith i'r dyfodol. I gynorthwyo'r broses o flaenoriaethu adroddiadau, os yw swyddogion yn credu fod testun yn deilwng o amser ar gyfer trafodaeth ar agenda fusnes y Pwyllgor rhaid iddynt wneud cais ffurfiol i'r Pwyllgor ystyried derbyn adroddiad ar y testun hwnnw. Gwneir hyn drwy gyflwyno 'ffurflen gynneg' sy'n egluro pwrpas, pwysigrwydd a chanlyniadau posibl testunau a awgrymir. Derbyniwyd dwy ffurflen gynneg o'r fath i'w hystyried gan y Pwyllgor. Mae un yn ymwneud â Datblygu Pwynt Mynediad Unigol ar gyfer lechyd a Gofal Cymdeithasol yn Sir Ddinbych (gweler atodiad 2a), a'r llall yn ymwneud ag archwilio'r Bwrdd Gwasanaeth Lleol (gweler atodiad 2b).

Gwasanaeth Cynllunio Rhag Argyfwng Rhanbarthol Bwriedig

4.7 Bydd aelodau'n cofio bod y Pwyllgor yn eu cyfarfod ar 14 Mawrth wedi ystyried, a chefnogi, yr achos busnes llawn ar gyfer Gwasanaeth Cynllunio Rhag Argyfwng Rhanbarthol ar gyfer Gogledd Cymru. O ganlyniad, yn eu cyfarfod ar 19 Mawrth, mabwysiadodd y Cabinet yr achos busnes terfynol a chefnogwyd y bwriad i sefydlu gwasanaeth rhanbarthol. Wrth wneud hynny, roedd hefyd yn argymhell y dylai'r Pwyllgor hwn archwilio'r Gwasanaeth Rhanbarthol, yn ystod y cyfnod trawsnewid ac wedi iddo gael ei weithredu'n llawn. Gofynnir i'r Pwyllgor gytuno i gyflawni'r archwilio hwn. Rhagwelir y caiff yr adroddiad cynnydd cyntaf ei gyflwyno fel adroddiad er gwybodaeth i'r Pwyllgor ym mis Gorffennaf.

Materion Gofal Cymdeithasol

4.8 Yn eu cyfarfod diwethaf, gofynnodd y Pwyllgor i adroddiad ar ddarpariaethau bwriedig Bil Gwasanaethau Cymdeithasol a Lles

(Cymru) gael ei gyflwyno i'r cyfarfod presennol ac y dylai'r adroddiad hefyd fanylu ar y cynnydd a gyflawnwyd wrth fynd i'r afael â phryderon a godwyd mewn perthynas â monitro gofal cartref. Fodd bynnag, gan fod y cyfarfodydd gyda'r cynghorwyr perthnasol o amgylch eu pryderon penodol mewn perthynas â threfniadau monitro gofal cartref yn dal i gael eu cynnal wrth i'r adroddiad hwn gael ei ysgrifennu, a gan y byddai angen amser ar swyddogion i wneud rhagor o waith ar y materion a drafodwyd gyda'r cynghorwyr, mae'r eitem wedi'i gohirio tan gyfarfod yn y dyfodol gyda chaniatâd y Cadeirydd. Gofynnir i'r Pwyllgor bennu pryd y mae'n dymuno ystyried yr adroddiad hwn, sydd wedi'i drefnu dros dro ar gyfer cyfarfod mis Gorffennaf.

Coleg Glannau Dyfrdwy /Coleg Llysfasi

4.9 Yn eu cyfarfod diwethaf, cytunodd y Pwyllgor i gais gan y Cyfarwyddwr Corfforaethol: Cwsmeriaid y byddai Pennaeth Coleg Glannau Dyfrdwy yn bresennol yng nghyfarfod y Pwyllgor ym mis Gorffennaf i drafod datblygiadau presennol a datblygiadau i ddod yng Ngholeg Llysfasi, a threfniadau partneriaeth Sir Ddinbych gyda Choleg Glannau Dyfrdwy gyda'r aelodau. Rhoddwyd gwybod i'r Pennaeth am y broses archwilio a'i hysbysu ynglŷn â'r wybodaeth atodol y mae aelodau wedi gofyn amdani. Yn anffodus, gan fod ymrwymadau blaenorol gan y Pennaeth ar ddyddiad cyfarfod y Pwyllgor ym mis Gorffennaf, ni all fod yn bresennol, ond mae ar gael i ddod i'r cyfarfod nesaf ar yr amserlen ar 26 Medi. Gofynnir i Aelodau gadarnhau ail-drefnu'r eitem hon a phenderfynu pa un o'r eitemau eraill ar y rhaglen gwaith i'r dyfodol ar gyfer mis Medi y gellid ei had-drefnu.

4.10 Rhaglen Gwaith i'r Dyfodol y Cabinet

Wrth benderfynu ar eu rhaglen o waith i ddod, mae'n ddefnyddiol i bwyllgorau archwilio ystyried y rhaglen o waith i'r dyfodol a drefnwyd gan y Cabinet. I'r pwrpas hwn, mae copi o raglen gwaith i'r dyfodol y Cabinet wedi'i hamgáu yn Atodiad 3.

4.11 Cynnydd ar Benderfyniadau'r Pwyllgor

Amgawyd tabl sy'n crynhoi penderfyniadau'r Pwyllgor a hysbysu aelodau ar gynnydd wrth eu gweithredu yn Atodiad 4 yr adroddiad hwn.

4.12 Cyfarfod gyda Chynrychiolwyr Bwrdd Iechyd Prifysgol Betsi Cadwaladr (BCUHB)

Cynhelir cyfarfod 6 misol rheolaidd y Pwyllgor gyda chynrychiolwyr BCUHB am 2pm ddydd Llun, 10 Mehefin 2013. Dangosir yr eitemau a restrwyd ar gyfer trafodaeth ar Atodiad 1. Mae cynrychiolwyr Iechyd wedi gofyn i gwestiynau gael eu cyflwyno iddynt ymlaen llaw i'w galluogi i gynnig ymatebion cynhwysfawr yn y cyfarfod. Gofynnir felly i aelodau anfon eu cwestiynau i'r Cydlynnydd Archwilio erbyn 22 Mai. Cynhelir sesiwn frifio cyn y cyfarfod ar gyfer holl aelodau'r Pwyllgor am 1pm ar 10 Mehefin, yn syth cyn y cyfarfod ei hun, gyda'r bwriad o bennu strategaeth gwestiynu ar gyfer y cyfarfod.

5. Grŵp Cadeiryddion ac Is-gadeiryddion Archwilio

Dan drefniadau archwilio'r Cyngor mae'r Grŵp Cadeiryddion ac Is-Gadeiryddion Archwilio (SCVCG) yn cyflawni rôl pwyllgor cydlynu. Bydd y Grŵp yn cyfarfod unwaith eto ar 16 Ebrill 2013. O ganlyniad, bydd unrhyw argymhellion neu benderfyniadau a wneir gan y Grŵp yn y cyfarfod hwnnw, sydd naill ai'n effeithio'n uniongyrchol neu'n anuniongyrchol ar y Pwyllgor Archwilio Partneriaethau, yn cael eu hadrodd ar lafar i'r Pwyllgor ar 25 Ebrill.

6. Sut mae'r penderfyniad yn cyfrannu at y Blaenoriaethau Corfforaethol?

Bydd archwilio effeithiol yn cynorthwyo'r Cyngor i ddiwallu ei flaenoriaethau corfforaethol yn ôl anghenion y gymuned a dymuniadau trigolion. Bydd parhau i ddatblygu ac adolygu rhaglen waith a gyd-drefnwyd yn cynorthwyo'r Cyngor i fonitro ac adolygu materion polisi.

7. Beth fydd yn ei gostio a sut bydd yn effeithio ar wasanaethau eraill?

Mae'n bosibl y bydd angen i wasanaethau neilltuo amser swyddogion i gynorthwyo'r Pwyllgor gyda'r gweithgareddau a nodwyd yn y rhaglen gwaith i'r dyfodol, a gydag unrhyw weithredoedd a allai godi yn sgil ystyried yr eitemau hynny.

8. Pa ymgynghoriadau a gynhaliwyd?

Nid oes angen ymgynghori ar yr adroddiad hwn. Er hynny, mae'r adroddiad ei hun ac ystyried y rhaglen gwaith i'r dyfodol yn brosesau ymgynghori gyda'r Pwyllgor o safbwynt ei raglen o waith i'r dyfodol.

9. Pa risgiau sy'n bodoli ac a oes unrhyw beth y gallwn ei wneud i'w lleihau?

Ni chafodd unrhyw risgiau eu nodi o safbwynt ystyried rhaglen gwaith i'r dyfodol y Pwyllgor. Fodd bynnag, drwy adolygu ei raglen gwaith i'r dyfodol yn rheolaidd, gall y Pwyllgor sicrhau bod meysydd risg yn cael eu hystyried a'u harchwilio wrth iddynt gael eu nodi, a gwneir argymhellion gyda'r bwriad o fynd i'r afael â'r risgiau hynny.

10. Pŵer i wneud y Penderfyniad

Mae Erthygl 6.3.7 Cyfansoddiad y Cyngor yn pennu fod rhaid i bwyllgorau archwilio'r Cyngor baratoi a pharhau i adolygu rhaglen ar gyfer eu gwaith yn y dyfodol.

Swyddog Cyswllt: Cydlynedd Archwilio

Rhif Ffôn: (01824) 712554

E-bost: dcc_admin@denbighshire.gov.uk